

中國東方文化研究會歷史文化分會策劃
四庫全書存目叢書補編纂委員會編纂
北京愛如生文化交流責任有限公司贊刻

齊魯書社出版

四庫全書存目叢書補編

第二二冊

補編第二十二冊目次

嶺南文獻三十二卷(二)

〔明〕張邦翼輯
中山圖書館藏明萬曆刻本

徽郡詩八卷

〔明〕陳有守 李敏等輯
北京大學圖書館藏明嘉靖三十九年江氏刻本

嶺南文獻三十二卷(二)

〔明〕張邦翼輯

中山圖書館藏明萬曆刻本

附《四庫全書總目·嶺南文獻
三十二卷》提要

嶺南文獻卷之二十目錄

記

譚大初

德星祠重修記

鄭侯生祠記

何其厚

重脩晏公廟記

李時行

同仁祠記

章熙

翠微亭記

嶺南文獻卷之二十目錄

海瑞

借山亭記

胡廷蘭

龍門義倉記

福建會城太平臺記

葉泰及

浮丘社大雅堂像記

姚文粹

寄潛精舍記

鄭旻

殷公靖寇綏民記

陳萬言

埭學田碑記

蒙詔

鄂國尉遲公廟記

方藻

伏日集竹在亭記

郭裴

重修伏波將軍廟記

王弘誨

方正學先生祠記

清海碑記

嶺南文獻卷之二十目錄

二

王襄毅祠記

重修忠義熊氏祠記

葉懋

撫安崖州亂夷記

周光錫

褒節祠堂記

陳履

仁泉亭記

袁昌祚

重修吳隱之祠記

楊起元

見心堂記

王學曾

御金亭記

唐伯元

平遠儒學記

區大相

己丑進士題名記

曾象乾

鹽法陳公祠記

三賢祠記

蔡存仁

嶺南文獻卷之二十一目錄

三

欽州宋公復象記

謝與思

赤巖記

劉克平

遊羅浮山記

馬奕垣

勅建于忠肅祠記

林挺

小海珠記

張鳴韶

順德方侯德政記

霍尚守

西樵玉池記

西樵春遊記

順德文獻

卷二十目錄

四

廿

嶺南文獻卷之二十

明新陽張邦翼

新陽縣志

記類

德星祠重修記

譚大初尚書

春秋之法興作必書時詘舉羸非也因陋就簡亦非也德星祠在正南門內稍西爲前守長沙周公南而設詳見刑部侍郎雪臺劉公節大常少卿廬陵胡公經紀中嘉靖癸亥春燬於火像遷於舊城隍廟後獨二碑歸然將廢爲瓦礫之場矣越乙丑冬安成龍巖歐陽公念守郡之三年政通人和始議修復門堂棟宇煥然一新材良工堅可垂久遠既擇緇流以司祠事後拓民地創樓厨書舍以居蒙士社師是役也可見無我之公焉可以見崇禮之教焉可以見舉廢之政焉夫周公既往聲迹已陳歐陽公未嘗與之一面乃視前政之善不啻若已非大公無我者曷則能之俎豆絃歌事關風化急簿書者恒在所後而公奏最有期矣乃亟圖之不少緩時方有水城之後陶甃匠石不勞而集是一舉而三善備焉豈曰時詘舉羸因陋就簡云乎哉大初囑廬密邇樂觀厥成謹識祠壁以詔來者幸相與葺之俾不墜云

鄭侯生祠記

譚大初 尚書

生祠非古也以義起也古之道存焉西津源出百丈山匯於凌江南流與湏水合暴雨時至谿澗委注民以厲揭爲艱元至正甲午推官劉君中孚據津上流伐石成梁以便行者顏曰清泰壞於迅湍百有餘年矣成化弘治間前守貴溪江侯璞三山鄭侯克紹兩議脩復詘于時未遑也嘉靖戊戌三衢鄭侯朝輔以秋官大夫出牧茲郡着民楊貴鸞等以狀聞侯喟然曰民之病涉厥咎在予咨爾庶甿有積而能散鳩王集事者各以其貲有能左右轉移者各以其力乃捐嶺南文獻卷之廿

者視民墊溺而莫之省憂無惻隱之心者也下焉者玩上之令而莫之用情無恭敬之心者也侯之順民所好捐金舉廢有仁道焉民之輸力効勞立祠崇報有義道焉侯以仁倡民以義應故曰觀于斯祠也可見上下之交矣或曰道第譏陳乘輿謂鄭侯之舉有司之常耳生祠於禮無據而迹則嫌立之何居愚曰不然自久任法廢君子傳舍視官苟利於民諉曰勞也費也積費成蠱是故官有秕政而民有懟心侯盡心民事能使百年廢墜至是一新可以風有位矣猶曰有司之常爲善者寧無懼乎祠以義起何迹之嫌抑雄當嶺表要衝輻輳二邑疆域僅得視古子男而夫役日繁民力當節額賦久虛民病當除凌陂又於民利當興不獨西津一橋而已充父母之心遺斯民以樂利之澤不在良司牧乎敬書以俟侯名朝輔字左卿號友石浙之西安人舉嘉靖丙戌進士敏而能文爲政慕古循吏捐金舉廢蓋其一節云

重修晏公神廟碑記

何其厚 郎中

廣省會城西南隅水許之際舟楫輻湊商賈鱗萃誠閩閩一要區舊有廟貌巍焉訊是晏公棲神之所余自稚年以爲鄉民湯設耳比領薦北上幸由川途凡江濱河渚長年三老之禱賽者莫不列有晏公廼知夫風濤之險惡波瀾之湍急磯瀨之迴阻要皆有神以司之而其墊危履安以出諸顛沛之中者卽陰扶默祐微惠於冥冥不淺也茲而祠宇重修意晏公之神必聰明正直以宰滄溟由是拱護天使維扶善類神所素蓄積足以根諸人心自有不容以弭忘者

嶺南文獻 卷之二十

此祠宇所以旣圯而復興歟余歷稽前聞神嘗憚伏趾精鎮寧颺母不特宋宣和間於路允迪高麗之使護持乘舶回立興濟宮額而已自是迄于國朝當太祖攻取毘陵則拖舟轉救湯和平治友定則引助陷城至於炙猪施鉤掣鼉成岸遂膺神霄玉府都督大元帥之封洪武間復褒稱爲九江八河平浪王迨至末樂中官張源欽差還遼回至東莞之赤灣狂飈迅發亦以遙禱輒應遂獲逆流登岸焉夫其福國庇民持危安傾此靈感異常英烈彪著素根諸人心已非一日之積寧以祠宇之興廢爲神重輕耶願妥

倘無方瞻依靡據善脩果何自以告虔懷奸挾詐罔緣而質誓至如英耆之聯集里社之祈禳所以萃渙而合渙者尤宜有一定之所第歲代殊遠城郭變遷而甍植黝堊盡鞠于茂草荒烟之場曾謂神之體物不遺能使人齋明承祭且洋洋於上下左右之間迺于其所謂根諸人心者顧不能使人翼厥廟貌也故根諸心而成形爲像塑莊嚴焉根諸心而成聲爲鐘鼓鏗訇焉根諸心而成色爲丹青炳煥焉諸如棟梁之結構燈燭之熒煌盼嚮之芬鬯疇非根心不容忘者爲之也矧以本鄉父老常稱其俗能相友助扶

嶺南文獻 卷之廿

持可封比屋卽此結社與神相依焉則其春秋有事於壇壝未有不望廟貌以獻恭對神明而起敬由此而狡僞潛消詐譏頓革以登諸淳龐勿穆之盛爲民俗一補助不徒顯靈於舟楫間也茲於重修之功其將無攸賴乎夫根諸心而祇奉乎神質諸神而表正乎人君子謂神人一理交感而互發亦於是舉乎可考矣是舉也始工於癸酉孟秋落成於甲戌孟夏動無妨衆財不費公諸父老以爲當鐫珉以衍無疆愷予紀諸碑陰予方奔走之暇因得展謁而聊述焉若夫稽神於有廟之假則固當質諸人心之不忘者

同仁祠記

李時行主事

昔宸濠肆叛妄窺神器當時任事諸臣轉相蒙蔽或納賄以釀奸或腹心以濟惡或毀節以從淫蓋遂厥初者瑾翼厥成者士實知而爲利所啗顧忌遲回謬與削奪之舉以激成滔天之禍者則當國諸臣尤執其咎焉自餘潘季之徒甘心犬彘之行衣冠之辱尚忍言哉三君子接武以成其仁矯乎美矣回視脂韋鬬茸者豈不有覲面目乎卒使小腆肆亂海內騷然豈國步之有疵抑人謀之靡臧哉蓋假護衛屯田之利是謂寇兵盜糧之資裁自中葉民已息肩夫何賊璫計復於先臧陸再與於後使彼愈益驕橫生靈荼毒人產忠良以匡王國維時胡公炳幾先發瀕死下顧孫公蒙難正志殺身成仁王公弘濟艱難助勦跋扈用能廓清宇內整肅皇綱孤忠霜烈義問風馳誠所謂社稷之蓋臣而有邦之司直也要之端敏之忠以其智忠烈之忠以其勇陽明之忠以其功咸出至誠均懷惻怛且共事一時同出一鄉何浙產之多才而此邦之萃彥乎擬諸三仁後先一揆雄心勁節光映古今豈非川岳之孕靈而人倫之挺秀者哉粵藉後受訖命者舊自獻蓋死非沽名生者非懼禍

東南文獻

卷之十

六

李時行

主事

東南文獻

卷之十

七

李時行

主事

以去者非忘君故元子獲奉先之孝少師歸臣君之節父師全愛君之仁殊途同歸心有懷忠之赤異慮一致身無私便之圖若日進死者退生者在猶之士將奔走之褒生者貶死者宴安之徒將置力焉甚非獎人倫垂戒道矣夫時有先後事變或致殊科理貫今昔民彝同出一揆尚論三仁無容軒輊惟我三君子亦皆弘敏而多才雅達而聰哲豈惟覃遂於六籍之精華亦且挹鍾乎二儀之休淑謀無遺諍動獲先機故克懋厥忠貞建茲鴻績可謂方軌前雋貽矩後昆矣亦由我天子威靈赫奕於九重國運休隆於六寓是以篤生豪詰共矢膚圖故罪人黜伏於下土宗社靈長於無疆庸非一人之慶邦家之光哉崇德報功廟食宜隆典刑不爽永憲來裔聞其風者將有興焉固知茲祠之建於名教爲有裨也祠建自嘉靖初年在杭州府治內歲久頽圯予同年莆田龔君雲從葺而新之蓋憫忠良之可仰而嘉浙地之多賢也

翠微亭記

章熙食事

山之腰曰翠微構亭於斯遊焉息焉以洗塵心而超物外完養天和怡適性真何不可之有且田疇豆隴畊稼在目鰲面塗足之夫負糞土鳴桔槔服牛芸草焦勞可憫由此知餐粒之辛苦感原野之朴質恭儉之思油然而生矣則斯亭也其保身進德之地乎若憑徂撫潤長傲恣情留戀光景狼籍杯觴甚或昵已私而縱淫佚流蕩忘返殞折性命則斯亭也其導慾增悲之所乎夫人以物移物以人勝古今亭臺池館唯賢者爲能樂之否則祇爲累耳吉凶悔吝存乎人不惕然慮耶能慮則謹而畏斯亭之名其將弗替乎予老矣楓溪之築小隱也然警戒烏敢忘爾因作亭雲梯岡雲梯非勵志能登哉

嶺南文獻

卷之二十

八

言

借山亭記

海瑞都御史

才滿天下事不立於天下天下之所少者非才也氣也何謂氣曰是不可名蘇子稱卒然遇之王公失其貴胥楚失其富貴育失其勇蘇素張儀失其辯氣之謂也行有不慊於心則倏矣始資學力擴充之功終在長育涵泳之力秀水繼山沈先生其主事刑部一日出有廟廊之言不死遠戍鳴陽蔡二守就陽江邑中之隙捐俸構亭爲講習所扁之曰借山借之爲言天地萬物本同一體之義也一旦上必有悟山亭或非久居繼山之所繼山先尹番禺繼屬西部日可嶺南文獻

卷之二十

九

言

法如見其短其非有在也此則短中特見之長時措之刑名目之操切如雷發聲物同應之夫操切言把持人刀強斬齊而人不便也大學絮矩天下言順天下之情不言徇一人之便孟子七篇王道天下可運之學齊國天下莫強焉不足置意中也功烈如彼其卑孟子自不得爲管仲讓紛紛疏議邈乎未有軻氏意也操切刑名我心何據瑕掩人瑜我又何別可以服之天下之人操切人而人怨然則須因循苟且聽之曰趨廢墜而取悅人耶天下有望治之人心不見有行治之官吏民之疾苦尚先日也今舍格心正本

背周官司徒以荒政十二聚萬民而專於其職者則遺人以掌縣都之委積以待凶荒法備至也故周民澤於王道淪肌膚洽骨髓云異時管子相齊權欲散之輕重而守準平李惺相魏謹觀歲之上下而設平糴仲主富國而兼利乎民惺主濟民而兼利乎國夫國者民之依也二子法制而兼利豈曰不良顧其爲術去王道遠矣漢興道不純王周禮盡廢上有急於拯民者不過權時合變取二子法而損益之然常平折中惠民廣濟諸倉代有嘉名民其不獲實故持節

不行或行而不果田野窮民遇小饑而皇皇中饑則
惴惴大饑則不知死所可不為太息流涕哉槐亭王
公今龍之明年政既通矣民既和矣公帑既樂輸矣
因懲曩歲之饑禁糴勸分救之狼藉孔殷猶若弗給
乃毅然為立義倉以圖廣遠蓋計一邑之通以為約
大鄉一小鄉併凡十家一甲五家一保二保一約約
擇民之年高謹厚喻義者主之公直者副之敏練者
贊之以協約事以知約中貧民良否應周多寡之實
倉置于約之當社以貯義輸公罰之粟擇社中民廉
公而強幹者為社長以董歛散出入之數社凡五十
續南文獻 卷之二十 十一 九月三日四百六

息而足給龍民其永有賴哉公具首末聞當道當道
嘉行之旌其民如其故事然不有貞石鐫記非所以
行久遠昭來裔也義民如黃圭復請捐金構亭樹碑
其中而藉大夫乞余以記余曰善哉公之政於是乎
可書矣義以動民民忘其積大化也艱以食民民忘
其死大恩也因以利民民忘其庸大道也故是政也
行之一邑一邑之民生行之一郡一郡之民生達之
天下天下之民生師之百世卽世世生生斯天地之
所愛王道之所觀霸術之所廢而明制之所為備
公之政於是乎可書矣公名許之字以忠出瑞陽世
續南文獻 卷之二十 十三 九月三日四百六

家以辛未名進士試龍門云

福建會城太平臺記

胡廷蘭提學

太平何敵臺也敵臺何乘高臨下無敵也傳曰王者無敵無敵斯太平已故以名臺而非舊也從民志也民志太平觀臺而樂之始不名敵矧臺故城制也臺不築制不備不備不完與無城同惟茲會城肇自漢封內跨三山外疊層巒北睨淮浙南引交廣深谿西迴大海東浮雄潤腴表蓋邊微重區也延袤五千陴咸屋之凡二千七百上梁下柵楔楔鉤連而臺不一其迥倭夷寇城下守陴者萬數馬不得旋枝不得施如坐覆盤中首不能以一闕議者患之嘉靖戊午夏

南文獻

卷之二十

十四

太

五

四月芳湖王公以宿儒世畧由游功拜閩秉鉞於閩至之口陳兵登城視守具屢顧屋陴嘆曰嗟夫是工於庇而不工於守利於伏而不利於戰微敵臺制爲城端危已既旬日賊千人薄海口攻鎮東急又千人分掠羽交馳公勒步艦兵脩火具倍戈鉞廣間諜犄角以殺賊勢輟鎮東軍達之掀其城固閩安備銅山鏖蘭盤密授水兵將扼逸賊殲諸波中乃料莆及泉旋按念憲顏君圖議慮工築焉先是樊御史公以歲事按延邵汀刺墨吏躡徂醜保赤城趨詔安入漳披途澄海駐于泉時賊新蹀福清犯莆圍惠而睨泉

御史赫然震怒曰御史奉天子法肅域中詰戎戡

亂孰非事也最爾醜其敢蠢動有司兵士以戰以守敢不力生汝殺汝惟御史命敢不共於是大轢群盜落其角距保泉存惠城莆又節而不伐屆秋登文武士而講於其畧深有感云故茲役也王公曰保城爲大樊公曰保民爲大城民依也遂胥命焉王公諷期視城內外議遠邇畧基址損益卑高而程其土物稱其畚築慮其財用以授有司樊公復忻然曰壯哉猷也然御史屬法在觀民在安民不可以不先卽曰按基令其屬當最衝處作二臺示制也憲副劉君尤急

南文獻

卷之二十

十五

太

六

時憫下習於當世之務者亟欲成二公之志乃任四臺後總其役而旦夕令之經營表度咸精厥能由是前武仲孝閩令舜岳侯令朝宗重有民也各任一馬旗官輜聰堂爵衛官泮濱濟鑒輩則頒役是共而都司張建節亦時時督察之群心得群力出故民不煩舉不屈不關軍需不課民實稱值食工而人不知所自也則不三月而工命之曰太平之役基凡廣二丈五尺而視基約六尺高視城咫尺二尺女牆視屋掩其落石厚視約強半不可撼也中實石至巔旋土築無算不可圯也若設其飭器可強弩十堅弓十火具

十戈矛各五石斧三百兩臺和距矢可交也燭及賊
卅熒莫附也外勝百里許蒼匪靡不徹周凡二十六
臺錯岡樸拖星綴棋布檣標幟列齊幹駢竿橫矚雜
樹如蒼如苞嗟夫臺也可以無敵矣竊計曩時守者
陴二人城五千陴加之門者鐸者水者餉者護檣者
統萬五千人而老稚單寒者半也中不能食與賊者
又半也故愁苦怨嗟之聲不絕夫驅愁容受力之民
坐于屋陴無所施能之下有急欲不潰得乎茲臺之
成也兵者併于臺枝可施矣守者約于陴力可寬矣
老稚單寒不罷于役心可知矣枝呈力寬而人和平
嶺南文獻 卷之三 十六 太平三

乎余秉文事思展先聖教訓丁巳春備省之東門明
年夏備省之北門皆過敵衝以從諸大夫諸大夫不
以其不通武事也致巡撫巡御公之命鑲記貞珉以
著無敵明王制等天險云

澧陽趙公浮丘社大雅堂像記 葉春及 郎中

詩有六義雅居一焉其有大小則體以爲區別君子聲詩率大雅大雅也者風匪雅則流賦匪雅則濫比匪雅則離興匪雅則固頌匪雅則誣矯而不經大雅則兼之矣古者四方所采咸綜萃於史官澧陽趙公既典其職侍 上講幃至君臣父子未嘗不反覆之也會宰相棄素冠諸臣摩厲以進章不下公直 起居則執簡請宰相不悅旣以摩厲之罪罪諸臣公率同列入謁滋不悅而東粵之命下矣公曰臣舊職在詩而新命以軍旅臣不敢違賴 上神武桴鼓密於嶺南文獻 卷之十 六 澧陽趙公浮丘社大雅堂像記

嶺海臣得以其間治詩請無廢業曾生士鑑進浮丘圖乃作浮丘社浮丘者朱明門戶故在海中始於浮丘公繼則稚川集賢脩撰蔣公觀之當熙寧之世沒於民五百餘年至趙公乃復語在公所爲記 國初五先生攻吟詠社於南園故東粵好辭縉紳先生解組歸不問家人產惟賦詩脩歲時之會故社以續南園吏茲土者無沉滑稽石休沐之暇與二三大夫文學之士徜徉容與雅歌靡載傲焉僇僇以游塵埃之外則公所稱述云爾嗟嗟其節峻其道大其節峻故方正而不容其道大故挫銳而和同其周公之東乎

昔屈原以辭令見幸及其遷逐大放厥辭遠遊之賦亦將託乘上浮仍羽人於丹丘朝王喬而夕韓衆矣惜文肆質難抱忿憤之節無濡忍之意離騷天問九歌九章諸篇軼宕怪神怨懟激烈大雅謂何舍王喬而從彭咸之居陽侯與遊而違言於韓衆何本末不相副也方公出西郭門長坳廣野翳林脩竹雲冉冉墮馬首駐蓋流眄非行吟澤畔時耶然無憔悴枯槁社成左浮丘右稚川海上仙人將盡致之漱正陽而含潮霞玉色頽矣所與學士大夫載歌廣哉熙熙乎優游中正無纖介不平之態於屈原何如也屈原居風雅之變朱子揆厥所由未嘗北學中國仲尼周公之道公夙昔焉雖有風雨無改兀兀大雅不羣有本故耳世談道者往往雕蟲辭賦公直藉以爲名豈惟孫膚碩而不居而卑卑以混世何莫學詩實則誦法孔子蜻蜓蛺蝶無異鳶魚胡爲而去取也獨怪宋玉輩北而屈原相對咨嗟無能舒其鬱邑蓋原自謂得路雖女嬃之詈靈氣之占曾不足以回其車而何有於玉輩若公學正道純至盟壇坫取前茅而先登一時豪傑爭執鞭弭共相馳逐則公於我弘矣於是以大雅名堂樹儀的明嚮往也公歸遂像其中登堂啜

詠儼公之我臨焉今公入佐 聖君行周公之道續
文王之什播大雅於天下吾粵首被公化他日定詩
以繫趙公胡不可也初曾生屬予記之宿諾六載公
門人汾源郭公來督學申命不敢負第策下駟奈何
傷主齊盟郭公大雅嗣音宋玉安足云也

寄潛精舍記

姚文粹 贈御史

南海之濱蠡岡之陬爰有姚子山水是娛維時讀書
出龍洞中不暇逞其志于四方廼歲辛丑裹糧躡蹻
出羅浮之陰道白雲之墟涉沙灣抵碣石館于停雲
之洞決旬策馬北行十里許有寮巋然北山峙其北
南竈環其南蒼焉鬱焉森森焉若可愛也於是沂澗
蹇蘿沿徑而入行有頃曠然別野扁屋數椽有堂有
室室可息而堂可居俯瞰大江縈紆渺瀰極目萬里
宣暢鬱湮導迎清曠巒峯迤邐空濛晡霽又皆隱見
出沒於雲空烟水之外若夫飛者躍者狎而浮馴而
嶺南文獻 卷之二十 十一 續卷一百
伏者植而闢芳者鳴而擅音者皆一時之所親聞也
迺姚子則目豁神迅志搖襟擴灑然而樂曰佳哉聞
其主人則松波莫子藏脩遊息之別區也則又造松
坡子假而居焉泊其至也陳古墳稽聖訓鼓缶彈琴
行歌坐吟陟淹雲之巔盼浴日之波逍遙乎荔枝之
圃翱翔乎松竹之徑逐清風之南來俟明月之東上
蓋不自知其人之爲嶺南而居之爲嶺東矣於是返
而勝其堂曰寄潛精舍明且有客造而難之曰竊聞
君子不匿跡而遺名智士不背世而減勳故廓然無
徒塊然獨居鷺渚云破寂潔是愉斯絕物之行也子

何昧大迷方飄飄嶢嶢而樂乎茲寮以寄以潛且以爲舍標姚子蹶然笑曰爰塞之通守道之中爰晦之庸游神之宮是故山居水遊耽恬樂幽保寂絕冀尚潔遠濁凡以陶性靈以俟時庸焉爾豈敢違世而陸沉耗神乎虛廓者耶故潛精舍矣又稱寄焉斯因心以立名循名以覈義者也且客獨不聞珠壁蘊於山澤將以發景曜而吐精英蛟龍蟄乎潢汙將以奮靈德而據昊蒼者乎故夫泥蟠而天飛者蛟龍之神也先礫而後寶者珠壁之珍也舍晦以俟發者君子之真也是故易言潛矣繼之以見焉詩言潛矣繼之以

嶺南文獻

卷之二十

廿二

精舍

三十三

昭焉皆以發顯晦之難稽也客乃歛容爲問避席謝曰聞命矣既出遂書以爲記

總督閩廣殷公靖寇綏民碑

鄭

旻

大司馬新安殷公秉鉞殿南服也蓋屢奏奇勛云

聖天子灼知公精忠壯猷錫命至三維是揚越甌駱戈船下瀨之將百司之吏盡屬公統領軍行曲折進止功罪悉節制而誅賞之公開誠布公紀律整暇先是西粵山夷擾險洊食公懸旌深入其阻一鼓蕩平旣而惠陽嚴箐之區不軌嘯聚黎元塗炭吏氣沮傷公設奇捕勦殲之海豐永安長樂縣道昔之鞠爲萑菁者今皆雲徹席卷蕩爲有夷之行矣乃潮郡羣盜中有諸良賈一夥偃桀尤甚憑恃海堧險遠愬怒徕嶺南文獻

卷之三十

廿三

嶺南文獻

三十三

升恣睢自若公以其昏迷不悛罪不可宥乃馳檄三鎮剋期進師幕府乘六傳泝羊城凡行營奇正止齊之法熟籌帷幄授成于監軍副憲陳君盡獲諸將仍檄潮守今陞海道副憲李君暨二三僚屬用軍興具儲峙以待三鎮將士赴命如書無敢如漢人後期及以海風波爲解師壓賊巢卒乘輯和護軍底厲其節踴躍先登無敢或觀望逗撓兵不崇朝而逆酋之首已致戲下諸助惡之黨析骸執俘無一脫者衆炎火以炳飛蓬滄海以沃漂炭會未足喻大捷之勢也匪

害尚有四巢負山阻海先已聽招願魄魂落衷身